

**IMINA'BENTE NUEBI NA LIHESLATURAN GUÁHAN  
SESION (Sigundo) RIGULÁT 2008**

**Risulasion Numiru. 119 (LS)**

**Entrodusen as:**

**J.V. Espaldon**  
**David L.G. Shimizu**  
**Benjamin J. Cruz**

**CHUMILONG YAN INECHA NA U MA RIKOKNISA I MÁTSO NA  
MES TÁT KUMU MES CHAMORU YAN INORABUENA YAN  
KONGGRAYULASION PARA I DIBISION INESTUDION  
CHAMORU YAN I ESPESIÁT NA PRUGRÀMA SIHA GI  
SISTEMAN ESKUELAN PUPBLEKON GUÁHAN YAN TODU NI'  
UMABIBIBA, YAN ABÁBANSÀ I LENGGUÁHI YAN KOTTURAN  
CHAMORU.**

- 1           **U MA PRUPONI NI' MINA'BENTE NUEBI NA LIHESLATURAN GUÁHAN:**
- 2           **KUMU,** *I Tema para I Silibrasion Chamoru 2008, ABIBA I MANCHAMORU, ÁNTES,*
- 3 *PÁ'GO YAN I MAMAILA', na para ta tungo' nu hita ni' manáotao Guáhan put I manmaga'taotão*
- 4 *siha antes, pá'go yan i mamaila' ya ma rikoknisa siha put manabánsan I lina'la' I ManChamoru.*
- 5           **KUMU,** *u fanmarikoknisa kada unu este siha na Manmaga' ni' chumochonnek mo'na i*
- 6 *lina'la' irensiá-ta para un hinerasion esta I otro; yan*
- 7           **KUMU,** *u sigi luma'la' mo'na I kotturan Chamoru gi Dandan Misika, Baila, Umestoria yan*
- 8 *Atten Fina'tinas parehu gi entre i attista, che'cho' atte yan gi minenhalom susiát sa' esta*
- 9 *mumalilingu i lina'la' i kottura yan i lengguáhi sa' put i hinatmen estrangheru siha ginen Uropa yan*
- 10 *Amerika; yan*
- 11           **KUMU,** *gai riisponsábledá i manmá'gas pá'go para u eppok yan ma iduka todú I famgu'on-ta put i*
- 12 *prisisu-ña I irensiá-ta yan kostumbre-ta na kumu siha u fanmá'gas un díha gi mamaila' na tiempo; yan*
- 13           **KUMU,** *otden na u fanmatuna yan ma rikoknisa i che'cho'-ñiha I Manma'estra/ron*
- 14 *Chamoru yan I Dibision Inestudion Chamoru yan I Espesiát na Prugràma Siha gi Sistemán*
- 15 *Eskuelan Pupblekon Guáhan kumu siha prumotetehi, umabá'bansa, yan sumostietieni mo'na i*
- 16 *lengguáhi yan kotturan Chamoru gi Eskuelan Pupbleko siha yan gi kumunidát; yan*
- 17           **KUMU,** *parehu u ma rikoknisa I mamalu siha na ahensian atungo' siha, I Dipáttamenton*
- 18 *Ká'hao Guinahan Chamoru, I Káhan Kotturan Guáhan, I Unibetsedát Guáhan, I Ufisinan Binisitan*
- 19 *Guáhan, yan todú I inetnon siha enteru kumunidát Guáhan na u kontenuha mo'na I mision para u*

1 *ma prutehi, adahi yan sostieni, abânsa yan abiba I lengguâhi yan kotturan Chamoru, âhe' ti gi*  
2 *durânten I mes ha' na gi di'âriu lina'la'; yan*

3 ***KUMU**, ta eppok todû I taotâo Guâhan na u fanpattesipa gi todû I aktededât siha kosaki u*  
4 *fanyinama I tiningo'-ñiha mas put I haga'-ta yan tumaimanu hit na taotaogues; put este na,*

5 ***MA DITETMINA**, I Mina'bente Nuebi na Liheslaturan Guâhan yan I taotao Guâhan u*  
6 *diklâra Mâtso na mes tât kumu MES CHAMORU; yan era mâs na*

7 ***MA DITETMINA**, ni' Mina'bente Nuebi na Liheslaturan Guâhan yan todû I taotao Guâhan*  
8 *u ma rikoknisa I Manma'estra/ron Chamoru yan I Dibision Inestudion Chamoru yan I Espesiât na*  
9 *Prugrâma Siha gi Sistemán Eskuelan Pupblekon Guâhan put i minesngon guinaiyan-ñiha put para u*  
10 *ma abânsa mo'na I lengguhi yan kotturan Chamoru; yan era mâs na*

11 ***MA DITETMMINA**, na I Mina'bente Nuebi Na Liheslaturan Guâhan u ekstende*  
12 *agadisimento yan I taotao Guâhan, ya ta saluda todû I mamalu na inetnon yan grupu siha ni'*  
13 *umabâbansa mo'na I lengguâhi yan kotturan Chamoru ni' put I finatta siha yan aktebedât ni' siña*  
14 *ma li'e'; yan ma fa'tinas siha na lepblo yan matiriât ni' para u ma fa'nâ'gue yan tungo' I lengguahi*  
15 *yan kotturan Chamoru para todû I estodiânte siha yan para todû I taotâtao kumunidât; yan put era*  
16 *mâs na*

17 ***MA DITETMINA**, na I Ge'helo' Liheslaturan Guâhan, yan I Sikritârian Liheslatura u*  
18 *settefika na u ma adopta yan na'suguru na ma na'gai kopia si ; Siñot Luis S.N. Reyes, Ge'helo'*  
19 *Sistemán Eskuelan Pupblekon Guâhan; si siñot Ronald T. Lagunaña, Atmenestrâdot, Dibision*  
20 *Inestudion Chamoru yan I Espesiât na Prugrâma; si siñot Juan B. Chaco, Ge'helo' Kumiten*  
21 *Silibrasion Mes Chamoru 2008; si siñora Sylvia M. Flores, Direktora Âkto, Dipâtamenton Kâohao*  
22 *Kotturan Guâhan; si siñot Patrick R. Bamba, Direktot Âkto, Dipâtamenton Kâhan Kotturan*  
23 *Guâhan; si Doktora Helen J.D. Whippy, Presidente Âkto , Unibetsedât Guâhan; si siñot Gerald S.A.*  
24 *Perez, Henerât Ma'gas, Setbision Bisitan Guâhan; si siñora Linda T. Reyes, Atkadi na Eksakatibu*  
25 *Ofisiât, Pa'a Taotao Tano'; yan, si dikno Felix P. Camacho, I Maga'lâhen Guâhan.*

**NA U INADOPTA GI RIGULÁT NU I MINA'BENTE NUEBI NA LIHESLATURAN GUÅHAN  
GI DIHA 6 GI MÁTSO NA MES, DOS MIT OCHO NA SÁKKAN (2008.)**

---

**RAY TENORIO**  
*Ge'helo' Liheslaturan Guåhan*

---

**JESSE M.A. LUJAN**  
*Senadot yan Secretarian  
Liheslaturan Guåhan*